

# U To Nome

L'amore ch'o ti portu  
Quandu vene la notte  
U to nome di focu  
Sarà quellu di a mio sorte.

A mezzu a li fiori  
Una voce cantava  
Aghju intesu la to speranza  
Chi mi chjamava da mill'anni.

Tu si sola a mezzu pratu  
Eiu portu li mio guai  
Quand'u tempu s'alluntana  
U to nome chi ribomba  
Cum'una fiama nustrale  
Quallà pienghje una funtana.

Eru solu per muntagna  
Una voce mi purtava  
Aghju vistu una cumpagna  
Nant'a petra chi ripusava.

I so occhji a mezzu sole  
Chi schjarivanu u mio sognu  
Aghju lettu lu to nome  
Sopra u celu nivaghjosu.

Aghju chjappu la to manu  
Un acellu s'hè pusatu  
A funtana s'hè pientata  
U celu s'hè risvegliatu  
Una voce a cantatu  
A tristezza era luntana. Bis

Eiu portu lu to nome  
Chi accende e mio passione

N'è cunoscu lu dolore  
E ti batiseghju Amore.